

Չարիս խորաթողին,
 Բարի տաս.
 Բարիս խորաթողին,
 Արքայութիւն տաս:

Մաղթանք պաշտպանութեան:

Թաժա հացի Փէղ (հոտ) կու գայ,
 Ելէք նէյէցէք ո՞վ կու գայ:
 Երեք ձիւտոր մարդ կու գայ
 Պողոս, Պետրոս, սուրբ Ստեփանոս.
 Փիլոննիդ յերթիցս ծածկոց ըլլա,
 Գաւազաննիդ դռանս գոց ըլլա.
 Դուռս եկողը քար կը յայտ,
 Էրթիքս եկողը երկաթ կը յայտ:

Ձեռքը կեռացած ատեն:
 Մաղիս հատովը
 Ճանկս լեցընես:

17. Փոքրիկ տղայք երբ բարտի ճիւղին
 կեղեւը կը հանեն սուլիչ ընելու համար՝ հե-
 տեւեալ քառեակը կը կրկնեն, մինչդեռ զայն
 կը թուլցնեն կամաց մը ծեծելով:

Պօռու պօռու պոռեստան,
 Մատդ դնեմ մատնեստան:
 Իմ չես, քուկ չես,
 Քօր սատանայի՛ն ես:

Հասակեց Յ. Գ. ՄՈՍԿՈՅԵԱՆ



ԹԻՓԼԻՍԻ ՀՆՅՈՒՆՆԵՐԻ ՊԵՐԵՋՄԱՆԱՏԱՆԸ

1. ԽՈՋԻՎԱՆՔԻ ԳԵՐԵՋՄԱՆԱՏԱՆԸ

Տեսէ՞լ էք Խօջիվանքը:

Բարձրացէք Թիֆլիսի Հաւարարը եւ
 Ռօզովահայի հրապարակով մտէք Խօջիվանքի
 փողոցը: Ահա այդտեղ է պատմական մեծ
 պանթէոնը:

Հազարաւոր կրանիտէ տապանաքարեր,
 մարմարէ արձաններ եւ կոթողներ՝ տարբեր
 երանգներով ու ստիւներով կերտուած, եր-
 կաթէ գեղեցիկ վանդակապատներով ու ծա-
 ուերով զարդարուած, գրաւում են ձեր ուշա-
 դրութիւնը եւ համակում ձեզ ծանր ու խոր
 թախիծով...:

Հազարաւոր կարճ, բայց յուզիչ արձա-
 նագրութիւններ, թախիծոտ բանաստեղծու-

թիւններ ու քառեակներ, անպաճոյճ յիշա-
 տակազրեր եւ համը թուականներ խօսում են
 ձեր սրտի, ձեր դիպացումներին հետ, յուզում,
 ալեկոծում ձեր հոգեկան աշխարհը: Ամէն
 մի շիրիմ, ամէն մի կոթող, ամէն մի ար-
 ձան ունի իր յուզիչ պատմութիւնը, իր դրա-
 ման, իր ողբերգութիւնը:

Ո՛րքան պայծառ, լուսաւոր դէմքեր
 նկատուում են ձեր աչքերի առաջ, ո՛րքան
 ազիզ սրտեր պատկերանում:

Այդ պանթէոնում են հանդէսում հայ դրա-
 կանութեան, արուեստի, կուլտուրական յե-
 դափոխութեան, քաղաքական վերածնութեան
 բազմաթիւ մշակները—խմբագիրները, հրա-
 պարակախօսներ, պօէտներ, երաժիշտներ,
 նկարիչներ, քանդակագործներ, ճարտարա-
 պետներ, դերասաններ, վիպագիրներ, պատ-
 մարաններ, որոնք կերտել են տարբեր դարա-
 շրջանների պատմութիւնը, արձարծել նոր
 գաղափարներ, ծածանել նոր դրօշներ եւ
 հարթել են նոր ուղիներ: Պայքարել են նրանք
 ժամանակի կուլտուրական յետամնացու-
 թեան, կենցաղային անտարապաշտութիւն-
 ների, ճնշումների դէմ եւ ժողովրդի տար-
 բեր խաւերին առաջնորդել դէպի լուսաւորու-
 թիւն, դէպի կուլտուրա եւ գիտութիւն: Այդ
 վեհ իրէջանների իրազորման համար պայ-
 քարել են նրանք վճռական կամքով, ան-
 վկանդ տոկունութեամբ եւ նուաճելով բազ-
 մաթիւ խոչընդոտներ, քայլել են յաղթանա-
 կից յաղթանակ: Նրանցից շատերն ընկել են
 պայքարի հէնց կէս ճանապարհին, շատերը՝
 բարձունքների վրայ...:

Այսօր չկան այդ լուսաւոր, պայծառ
 դէմքերը. նրանք յաւիտեան բաժանուել են
 մեզինից, թողնելով միայն իրենց գործերն ու
 շիրիմները: Նրանց յիշատակի ամենավերջին
 կոթողներն են այդ շիրիմները, որոնց վրայ
 քանդակած են նրանցից շատերի վերջին
 կտակները, վերջին խօսքերը...:

Կանգ եմ առնում իւրաքանչիւր տապա-
 նաքարի, իւրաքանչիւր արձանի առաջ եւ
 կարդում մէկը միւսից աւելի յուզիչ, մէկը
 միւսից աւելի թախիծոտ արձանագրութիւն-
 ները, որոնք պատմում են ամէն մէկի կեանքը,
 գծագրում ամէն մէկի պատկերը:

Բայց միայն Խօջիվանքը: Անցէ՛ք Վե-
 րայի գերեզմանատունը, շրջէ՛ք Վանքի մայր-
 եկեղեցին, մտէ՛ք Ս. Գէորգի եւ Կուկիայի
 գերեզմանատները: Քանի՛ քանի՛ վշտաբեկ,
 թախիծոտ թափօրներ համախմբուել են այդ

պանթէոններում եւ հողին յանձնել անման,
 ազիզ սրտեր, թանկագին տաղանդներ:

Մի խոր եւ ծանր թախիծ յուզում, թախ-
 ծում է սիրտս: Նրանցից շատերը հանդէսում
 են հողի մէջ առանց յուշարձանների, առանց
 տապանաքարերի: Շատերի գերեզմանների
 թումբերը հարթուել, հաւասարուել են հո-
 դին եւ անհետ կորել: Ո՞վ կարող է ցոյց տալ
 դերասաններ Միհրդատ Ամերիկեանի, Թու-
 բանի շիրիմները, ո՞վ կարող է մատնանշել
 նկարիչ Ներսիսեանի հողաթումբը. թերեւս
 փորել են նրանց գերեզմանները եւ նորերը
 թաղել: Ո՞վ գիտէ գայ մի օր, որ անյայտա-
 նան դեռ շատ թանկագին շիրիմներ եւ արձա-
 նագրութիւններ: Անհրաժեշտ է փրկել ժա-
 մանակի կլանող ժանիքներից: Ահա այդ գե-
 տակցութեամբ ամէն մի յիշատակագիր, ա-
 մէն մի թուական պոկելով արձանների, տա-
 պանաքարերի եւ կոթողների վրայից, յանձ-
 նում ենք դրականութեան պատմութեանը:

ԳՐԻԳՈՐ ԱՐԾՐՈՒՆԻ
 (1845—1892)

Միայն երկու անուն — Գրիգոր Արծրունի
 եւ «Մշակ»: 70—80ական թուականների հայ
 հրապարակախօսութիւնը եւ գրական — կուլ-
 տուրական կեանքը մեծ մասամբ կապուած
 են այդ երկու անունների հետ:

«Մշակ» եւ Արծրունի — դար անողք,
 վճռական եւ համարձակ մի պատերազմ է
 պատմաշրջանի խաւարի, անշարժութեան,
 թմրութեան եւ անկուլտուրականութեան
 դէմ, մարտական մի պայքար է ինն սերնդի
 դադարաբախտութեան դէմ: Դա մի կողմ է
 դէպի լուսաւորութիւն, ինքնաճանաչութիւն
 եւ ինքնագիտակցութիւն: Դա մի նոր դրօշ
 է՝ կրակոտ բնարաններով: «Հիւսիսափայլ»
 յառաջադիմական պայքարի շարունակութիւնն
 է այդ պայքարը: Ահա թէ ինչու Արծրունու
 անունն առանձնայատուկ տեղ է գրաւում հայ
 լրագրութեան եւ հրապարակախօսութեան
 պատմութեան մէջ:

1892 թուականի Դեկտ. 19ին ընկաւ դա-
 րաշրջանի տաղանդաւոր այս հրապարակա-
 խօսը, ընկաւ 20 տարուայ անողք եւ վճռա-
 կան պայքարից յետոյ: Նրա յանկարծակի
 մահը խոր վշտով համակեց հայ հասարակու-
 թեան բոլոր խաւերին: Մօտ 400 ցաւակցա-
 կան հեռագիրներ ստացուեցին ամէն կողմից

— Անդրկովկասից, Ռուսաստանից եւ ար-
 տասահմանից:

Դեկտեմբեր 27ին Թիֆլիսի հասարակու-
 թիւնը կատարեց նրա թաղումը՝ մեծ շքով:
 Նրա դագաղը քաշում էին հօթը դիակառք եւ
 հետեւում մի քանի տասնեակ հազարաւոր
 յուզարկաւորներ:

Ուշից տասը տարի անց, 1902 թ. Դեկ-
 տեմբեր 22ին, կիրակի, նրա մահուան տա-
 նալեակին, հայ հասարակութիւնն իր սի-
 բելի մշակի հողակոյտի վրայ կանգնեցրեց
 մի յուշարձան:

Կանգնած արձանի առաջ համակուած
 ծանր եւ թախիծոտ զգացումներով, դիտում
 եմ տաղանդաւոր հրապարակախօսի վերջին
 կոթողը: Դա միապաղաղ, անարուեստ ժայռի
 մի կտոր է, ինչպէս ինքը, երկաթէ կամքի
 տէր, մարտնչող կրակոտ հրապարակագիրը:
 Ներքեւում հանդէսում է նոյն ժայռից յղկուած,
 մոյգ մարմարոնի նման փայլող հաստ պա-
 տուանդանը, որի հարաւային ճակատին փո-
 ղագրուած է.

1845—1892

Այդ յամը թուերը պատմում են ձեզ Ար-
 ծրունու ծննդեան եւ մահուան մասին:

Ժայռի կրծքին, յղկուած փոքրիկ մի
 տարածութեան վրայ, կարդում եմ ոսկեգօծ
 տառերով փորագրուած խմբագրի ստորա-
 գրութիւնը.

ԳՐԻԳՈՐ ԱՐԾՐՈՒՆԻ

Այդ ստորագրութիւնն են կրել նրա այն-
 քան վարպետ գրչով գրուած առաջնորդները,
 որոնք բնորոշ են իրենց պարզ եւ կտրուկ
 վերնագրերով. «Երէկ, այսօր, էգուց», «Ռուս
 եւ մեք», «Ո՞ւմն ենք յաւրում», «Մեքն ձեզ
 կը մերկայցնենք»:

Ի՞նչ է ներկայացնում ապառաժէ կոթողն
 իր կառուցուածքով եւ բովանդակութեամբ:
 Դա 20 տարուայ հերոսական աշխատանքի,
 պայքարի եւ յաղթանակի սինքրօն է: Մա-
 հարձանի նկարը գծագրել է նկարիչ Գէորգ
 Բաշինջաղեանը, որին Արծրունին այսպէս է
 կտակել իր կամքը:

«Ես կ'ուզեի, որ գերեզմանիս վրայ դրած
 լինէր պարզ ժայռի կտոր եւ նրա վրայ կար-
 դացուէր սուկ ազգամուսն»:

Եւ ժամանակի ինտէլիգենցիան իրագոր-
 ծեց հրապարակախօսի վերջին կտակը:

ՊՐՕՖԵՍՈՐ ԱՆԴՐԵԱՍ ԱՐՅՐՈՒՆԻ
(1847—1898)

Գրիգոր Արծրունու շիրմի մօտ հանգչում է նրա կրտսեր եղբայրը՝ Անդրէաս Արծրունի, որ երկար տարիներ պաշտօնավարեց Գերմանիայում իբրև հանքաքանութեան ուսուցչապետ Բրէսլաւի եւ Ասիէնի համալսարաններում: 1898 թուի Սեպտեմբերին թոքախտը վերջ դրեց այս գիտնականի կեանքին:

Հողակոյտի վրայ դրուած է սեւ փայլուն մարմարից կերտուած մի յուշարձան: Քառակուսի ստիլով եւ ֆորմաներով քանդակուած զեղեցիկ մի կոթող է դա, որ վերջանում է սեւ փայլուն եւ քառակուսի մարմարէ բարձր մի սիւնով: Պատուանդանի հարաւային ճակատին փորագրուած է.

ՊՐՕՖԵՍՈՐ
ԱՆԴՐԵԱՍ
ԱՐՅՐՈՒՆԻ
PROFESSEUR
ANDREAS
ARTZROUNI
1847—1898

ԱԼԷՔՍԱՆԹՐ ԲԱԼԱՆԹԱՐ
(1855—1913)

Գրիգոր Արծրունու մահից մի տարի անց Քալանթարն իր ձեռքն առաւ «Մշակ» թերթի խմբագրութեան գործը եւ պատուով ծառայեց իր կոչմանը, ձիւղ է, նա չունէր Գրիգոր Արծրունու գրչի թափն ու աւելնը, բայց օժտուած էր իր ժամանակի հրատարակչախօսի լաւագոյն յատկութիւններով: Ամբողջ քսան տարի Արծրունու ծրագրով եւ ուղղութեամբ հրատարակեց «Մշակ»ը, աշխատելով վերլուծել հասարակական կեանքում երեւան եկող նոր խնդիրներն ու երեւոյթները:

Նրա «Սիրոզ» ստորագրութեամբ թատրոնական տէնդէնցիաները եւ «Վրձին» կեղծանունով երգիծական յօդուածները եւ գիւղատնտեսական լուրջ ուսումնասիրութիւնները գարգարում են նոյն շրջանի «Մշակ»ի էջերը:

1913 թուին, Բաֆֆու մահարձանի բացման օրը, սոց դաս արտասանելու համար պատրաստուելիս՝ յանկարծ կտրուեց նրա կեանքի թելը:

Անդրէաս Արծրունու շիրմի մօտ բարձրանում է Գեղարուեստական սքանչելի մի կոթող: Դա Քալանթարի մահարձանն է:

Երկնագոյն մարմարից կերտուած քառակուսի մի պատուանդան բարձր է հողի կրճքին: Վրան իշխում է ծաղկահալուս, սիւնազարդ քառակուսի մի երկրորդ պատուանդան, որի վրայ քանդակուած խաղողի ողկոյցները, ցորենի հասկի եւ մանդաղի մէջ կարդում են.

ԱԼԷՔՍԱՆԹՐ
ԲԱԼԱՆԹԱՐ
1855—1913

Պատուանդանի վրայ յաղթական իշխում է մարմարից կերտուած կլոր եւ բարձր զեղեցիկ մի սիւն:

ՀԱՄԲԱՐՉՈՒՄ ԱՌԱՔԵԼԵԱՆ
(1855—1918)

«Մշակ» լրագրի խմբագիր, հրատարակախօս եւ հասարակական գործիչ, որի ամբողջ հասարակական-քաղաքական գործունէութեան եւ հրատարակախօսութեան հիմնական գիծը, գլխաւոր լոզունգն էր — հայ ժողովրդի կրթութիւնը: Կուլտուրական յեղափոխութեան միջոցով լուսանորել, յեղաշրջել այդ ժողովրդին եւ գնել նրան եւրոպական առաջադէմ ազդեցիւնները շարքը: Դա Գրիգոր Արծրունու դաւանանքն էր, 60ական եւ 70ական թուականների հայ ինտելիգենցիայի գործակը: Դա միաժամանակ գործն էր Հայ ժողովրդական կուսակցութեան, որի պարագլուխներից մէկն էր Հ. Առաքելանը: Ահա թէ ինչու 1913 թուից, Ա. Քալանթարի մահից յետոյ, երբ նա մնաց «Մշակ» թերթի միակ խմբագիր-հրատարակիչը, սկսեց ծաւալել կատաղի, անհաշտ պայքար քաղաքական բոլոր կուսակցութիւնների դէմ: Պայքարեց նա ամբողջ 40 երկար տարիներ՝ հայ ժողովրդի ազատագրութեան ճշմարիտ եւ միակ ուղին համարելով կուլտուրական անտեսական դարդացումը: 40 տարի շարունակ նա «Մշակ»ի էջերում արտայայտիչ հանդիսացաւ իր կուսակցութեան դաւանանքներին: Այդ ճանապարհին էլ նա ընկաւ:

Առաքելանը թողել է նաեւ գրական վաստակներ: Ո՞վ չի յիշում նրա պարսկատանի կեանքից վերցրած «Չիուդ. Քուշան» մեծ վէպը՝ Ծախրիար անունով: Հայ գրականութեան համար մեծ արժէք ունի նրա 1916 թուին հրատարակած «Հանրագիտական բանարանը»: Հետաքրքիր է նաեւ «Մի ամիս արեւելքում» ճանապարհորդական տպագրուած

րութիւնները: 1910—1913 թ. նա խմբագրեց «Այր» գրական-գիտական ամսագիրը, իսկ 1913—1918 թուականը՝ «Մշակ»ը:

1918 թուի Յուլիսի 6ին, երկուցեան, ժամը 8ին, սպանուեց իր բնակարանում, 63 տարեկան հասակում: Հանգչում է իր ուսուցից Գրիգոր Արծրունու շիրմի մօտ: Վրան ոչ տապանաքար կայ, ոչ էլ արձանագրութիւն:

ԿԱՐԱ-ԳԱՐԻԻՇ
ՅԱԿՈՒԲ ԳԵԱՆՉԵԱՆ
(1872—1930)

Առաջին հայ ֆուտուրիստը: Այդ դրօշն էլ նա բարձր պահեց մինչեւ իր մահը: Նրա գրական աւանդներն են. «Նրուանդ Գօշ», «Ջուքակ» եւ «Օրերից առաջ»:

Գրիգոր Արծրունու շիրմի մօտ իշխում է երկնագոյն, եռանկիւնի ստիլով կերտուած մարմարէ փոքրիկ մի քար, որի կրճքին դրօշմուած սպիտակ քառակուսի մարմարի վրայ կարդում եմ սեւ տառերով փորագրուած հետեւեալ վեց տողերը.

ԵՍ ՀԱՄԱՇԵԱՐՀԱՅԻՆ ԳԱՂԱՔԱՅԻ ԵՄ
ԱՇԽԱՐՀՆ Է ԻՄ ՀԱՅՐԵՆԻՔԸ
ԵՍ ՄԱՐԳ ԵՄ ԵՒ ՄԱՐԴՆ Է ԻՄ
ԸՆԿԵՐ-ԱԶԳԱԿԻՑԸ
ԿԱՐԱ-ԳԱՐՎԻՇ
1872—1930 16/XII

Այդ կարճ տողերն էլ բնորոշած են կարա-Գարեիչի ողջ աշխարհայեացքը:

ՄԱԿԱԼ ԵԿՄԱԼԵԱՆ
(1857—1905)

«Պատարագը» — ահա այն մեծ արձանը, որ կերտել է Եկմարեանը: Նա ունի նաեւ ժողովրդական-ազգային մօտիւններ: Ո՞վ չի երգել նրա «Ո՛վ դու բարեկամը», «Ազնիւ ընկեր մեռաւում եմ», «Տէր, կեցո դու գիպս», կամ «Ոչ փող զարկիմք, ոչ արձագանք», «Կապոյտ երկնում աստղեր եմ փայլում»:

Եկմարեանի երաժշտական-կուլտուրական բարձր արժէքն ընդգծել են ոչ միայն հայ, այլ եւ օտար յայտնի երաժշտագէտները: Նրա պատարագի մասին գովասանքով են իրար խօսել աշխարհահռչակ Վերդին, Սենեն խօսել աշխարհահռչակ Վերդին, Սենեն խօսել Գրիգորեանի, Բերլինի եւ Լոնդոնի Սանսը, Գրիգորեանի, Բերլինի եւ Լոնդոնի երաժշտական ընկերութիւնները: Նրա տաղանդի առջեւ խոնարհուել է անդամ Կարա-

Մուրզան: Նրա մեծութիւնն արձանագրել է յայտնի երաժշտագէտ Ռոմանոս Մելիքեանը — «Նա չի՛ մեռել եւ չի էլ կարող մեռնել, նա կենդանի է, նա ապրում է այն հմայիչ ձայների եթերում, որ մեզ թողել է ժառանգութիւն»:

Եկմարեանի երաժշտական խորութիւնը նրա «Պատարագի» մէջ է: Դա երաժշտական մի լուրջ ստեղծագործութիւն է, որի մէջ հարազատութեամբ պահպանուած է հայկական եղանակների բուն ոգին, հայ երգի ոճը: Այդ կուլտուրայով Եկմարեանը «լուծում է արեւելեան եղանակների վերաբերմամբ ներդաշնակած ամենաբարդ խնդիրները»:

Պօլիփանքում, Գրիգոր Արծրունու շիրմի մօտ, կանգնած է Եկմարեանի մահարձանը:

Պարզ, բայց զեղեցիկ մի կոթող է եւ, որ իր ամբողջութեամբ խոր տպաւորութիւն է գործում եւ համակում անցեալի քաղցր յուշերով:

Ներքեւում հանգչում է մութ-թխագոյն յղկուած քառակուսի պարզ եւ անպաճոյճ փոքրիկ մի քար: Դա պատուանդանն է: Վրան կանգնել է 2½ մետր բարձրութեամբ մութ-թխագոյն կլոր կրանիտէ մի սիւն, որի կրճքին փորագրուած նօտաների ներքոյ կարդում եմ երաժշտագէտի ստեղծագործութիւնից մի տող.

ՈՒ ՉԵՐԳԵՑԻՆԻՔ ՈՂՐՈՑ ԵՐԳԵՐ

Ապա սեւ տառերով փորագրուած է միայն հինգ տող.

ԵՐԱԺՇՏԱԳԵՏ
Մ. ԵԿՄԱԼԵԱՆ
† 1905
КОМПОЗИТОР
М. ЭКМАЛЯН

Յուղարկաւորութիւնը եւ բաղումը: Մարտի 12ին, շարաթ երեկոյեան, Հաւարարում կատարուեց անբախտ երաժշտագէտ Եկմարեանի հոգեհանգիստը: Դադար շատ փարթամ՝ արօպիկական տունկերով եւ կանաչներով էր շրջապատուած: Կային մի քանի պսակներ՝ կայսեր. երաժշտական թիֆլիսի ուսումնարանից («Տաղանդաւոր երաժշտագէտի»): Տէր-Գաթեանի մասնաւոր երաժշտագէտ ուսումնարանից («Մեծ երաժշտագէտի») եւ այլն... Հոգեհանգիստին ներկայ էին հայերից Ներսիսեան զպրոցի աշակերտները իրենց ակազի եւ մի երկու վարժապետի հետ: Հայ գրականագէտներից (բայց Պ. Պ. Նար-Դոսից եւ Իս. Յարութիւնեանից) ոչ ոք: Հայ խմբագիրներից (բայց «Աղ-

բեր-Տարազի» (սմբազբից) ոչ ոք: Ներկայ էր դաշ- նահանար Տէր-Դաւթեանը:

Հետեւեալ առաւօտ յուղարկուեցին միեւ- նոյն անձնաւորութիւններն էին եւ երկու ուսուցիչ Ներ- սիսեան դպրոցից: Վարանցովի արձանի մօտից բազ- մութիւն սկսեց ստուարանալ: Վանքի տաճարը եւ բակը լիքն էր ժողովրդով: Եկեղեցուց Եկմարեանի դա- րապետը դուրս բերին եւ համարեա անընդհատ ցոյցե- րով, ճանկերով տարան նախ Ներսիսեան դպրոցի առաջ, ուր կանգ առին, հոգեհանգիստ կատարեցին եւ ապա անհամար բազմութիւնից բազկացած թափօրը շարու- նակեց ուղին: Պօլիմանքի գերեզմանատանը Եկմա- լեանի մարմինը սեւ հողին յանձնեցին: Պօսեցին շատ դամբանականներ: Վերջին անգամ երգուեց Հայր մերը:

ԵՐԱԺՇՏԱԳԵՏ ԳԵՆԱՐԻՈՍ ՂՈՐՂԱՆԵԱՆ
(1858—1890)

Հայ երաժշտութեան պատմագիրն, ան- կասկած, պիտի յիշատակի այս արուեստա- դէտին, որն իր ժամանակի հայ երաժշտու- թեան զարգացման գործում որոշ դեր է կա- տարել:

Թաղուած է «Մշակ»ի պանթէոնին կից: Վրան դրուած է կրանիտէ մի կոթող, որի ձախատին կարգում եմ հետեւեալ պարզ սո- դորը.

ԳԵՆԱՐԻՈՍ
ՅՈՎԱՔԷՓԵԱՆ
ՂՈՐՂԱՆԵԱՆՅ
1855—1890 թ.

Մահարձանի ծայրին իշխում է մարմարէ մի քնար:

ՔԵԱՄԱՆՉԻՍՏ ՍԱՇԱ ՕԳԱՆԵԶԱՇԻԼԻ
(1889—1932)

Լսե՞լ էք դուք երբէք Սաշայի քեաման- չէն, նրա նուրբ մասների ներքոյ հնչող զիւ- թիչ երաժշտութիւնը:

Գլուխը խոնարհում, աչքերը մեխում լարերին եւ ամբողջ կութեամբ ձուլուելով քեամանչու հետ, շունչ էր տալիս անշունչ լարերին...: Այսպէս էր Սաշան. իր քեա- մանչու նուրբ եւ լիբիկ հնչիւններով նա խօ- սում էր ձեր սրտի, ձեր զգացումների հետ: Ապրեցնում ձեզ արեւելքի անուշ, գունազոյգ, վառ երանգների աշխարհում: Եւ արեւելքի աննման պատկերները զձագբուում էին՝ մէկը միւսից զիւթիչ, մէկը միւսից յուզիչ:

Նուրբ արուեստագէտ էր Սաշան, նուրբ իր զգացումներով, իր ապրումներով:

Ո՞վ կը մոռանար նրա աննման, սրտա- մորմոք Սախարին, որ մի ակնթարթում կա-

խարդում էր բոլորին: Ո՞ւմ սրտում քան- դակուած է նրա Մեասանավը, որ կրակ էր վառում հազարների սրտերում: Ապա նրա աննման Չարգեա՞հը, որ կախարդում էր ա- մէնքին...:

Դեռ երէկ էր, որ Պօլիմանքում, «Մշակ»ի պանթէոնին կից, թաղեցինք Սաշային:

Սեւ ժապաւէնով դարդարուած նրա քեա- մանչէն տանում էր սգաւոր հայ օրիորդը դա- զաղի առջևից, իսկ վշտաբեկ հասարակու- թիւնը լուռ քայլում նրա երկներանդ ծա- ղիկներով դարդարուած դազաղի ետևից:

Սրտամորմոք երաժշտութեան հնչիւն- ների ներքոյ շատերն էին լալիս:

Նրա դազաղի առջև վերջին անգամ հնչեցրին քեամանչի յուզիչ լարերը, հնչե- ցրին թափ սիմբը, երգեցին արեւելեան յու- ղիչ բայեաթին:

— Սաշա ջան, դու սիրում էիր, որ նուազելիս բոլորը լուռ մնան. հիմա բոլորս էլ լուռ ենք, ընչէ՞ր չես նուազում, ընչէ՞ր մարմար մատերդ չեն հնչեցնում քեամանչի լարերը...:

— Գնաս բարով Սաշա, երաժշտութեան պատմութիւնն իր էջերում կ'արձանագրի քո անունը որպէս վարպետ ֆեամանչիստ, որ- պէս արեւելեան երաժշտութեան քէօրէտիկ, կ'արձանագրի որ դուն ես աւելացրել քեա- մանչի 4րդ լարը:

Այսպէս խօսեցին Սաշայի դազաղի ա- ուջ հայ, վրացի, ռուս, թիւրք արուեստա- դէտները: Եւ քեամանչու թախծոտ երա- ժըշտութեան հնչիւնների տակ նրան իջեցրին գերեզման...:

Երաժշտագէտ Մակար Եկմարեանի յու- շարձանի մօտ այսօր բարձրացել է մի թարմ հողաթումբ՝ ծաղկեփնջերով եւ ծաղկեպսակ- ներով ծածկուած: Դա Սաշայի չիրիմն է. ոչ արձանագրութիւն ունի, ոչ էլ կոթող:

ՍԱԶԱՆԴԱՐ ԻՎԱՆ
ՊԱԻԼԻԶ ԱՂԵՔՍԱՆԴՐԵԱՆ
(1881 թ.)

Հին Թիֆլիսի լաւագոյն սազանդարներից մէկը: Վրան դրուած է կրանիտէ պարզ մի քար, որի երեսին քանդակուած է հէնց իրեն՝ Իվանի նկարը, որ հին Թիֆլիսի իսկական տարազը հագին եւ ձեռքերը կրճ.քին խաչա-

ձեւ դրած՝ կանգնել է իր պարթեւ հասա- կով: Աղագարական տեսակէտից տարազն այնքան տիպիկ է եւ բնորոշ, որ նկարիչ Գիբօ Շարբարչեանը վրձինի նիւթ է դարձրել:

Գերեզմանաքարի կողքին փորագրուած է.

ԱՅՍ ԳԵՐԵԶՄԱՆԻ ՄԷՋ ԹԱՂՈՒԱԾ Է ՍԱԶԱՆԴԱՐ ԻՎԱՆ ՊԱԻԼԻԶ ԱՂԵՔՍԱՆԴՐԵԱՆԸ. ՎԱՆՃԱՆ. 20 ՅՈՒ- ՆԻՍԻ 1881 թ. 57 ԱՄԱՅ. ԽՆԴՐԷ ԱՍԵԼ ՈՂՈՐՄԻ:

ՐԱՖՖԻ
(1835—1888)

«Եթէ հայ գրականութեան մէջ կան խոշոր վե- պեր, որ ես կարգացել եմ առանց ձանձրոյթի, դա «Վերք Հայաստանի»ից յետոյ միայն եւ միմիայն Րաֆ- ֆիի գործերն են...»:

Այն արձանները, որ քանդակել է Րաֆ- ֆին իր հատու մուրճով, այն պարզ, դեղե- ցիկ լեզուն եւ հարուստ ոճը, որոնցով կեր- տել է իր վէպերը, այն դեղեցիկ նկարները, որ վրձինել է գունազոյգ երանգներով, եր- կար, դեռ շատ երկար պիտի յիշատակեն նրա անունը հայ վիպական գրականութեան պատ- մութեան մէջ:

Այսօր էլ դեռ, շնորհիւ Րաֆֆու սահուն ոճի, լեզուի եւ աննման նկարագրութիւն- ների, նրա վէպերը կարդացում են առան- ձին յափշտակութեամբ:

Ո՞վ չի կարդացել նրա «Ձալալէդդին»ը, «Խենքը», «Կայծեր»ը, «Խաչագողի յիշատա- կարանք»: Ո՞վ ծանօթ է նրա «Ոսկի աքա- ղաղ»ին, «Սամուէլ»ին, «Դաւիթ Բէկ»ին: Գեղեցիկ մի ցուցահանդէս է դա, խայտա- բղէտ, գոյնզգոյն եւ բազմերանգ, որն իր ամ- բողջական կերտուածքով բնորոշում է Րաֆ- ֆու ուսմանտիկ աշխարհայեացքը, նրա վե- պական տաղանդը:

Ահա նրա վարպետ վրձինով կերտած, տարբեր խոհերով, հոգեբանութեամբ եւ իղէալներով համակուած ժամանակաշրջանի տիպերը — Մասիսեանը, Բաւր Պետրոսը, Տէր-Թողիկը, Թումաս Էփէնդիմ, Դաւիթ ու- յացողը:

Ահա եւ նրա գաղափարական, խենթ իղէալներով կրակուած, ուսմանտիկ հերոս- ները — Մարիատը, որսորդ Աւօն, վալ- դանը, Ասլանը, Սաֆօն, Կարօն, Ֆարիատը — որոնք որպէս կենդանի տիպեր շարան-շարան պատկերանում են ձեր աչքերի առջև:

Ապա ո՞նց չլիջել Րաֆֆու վրձինած գե- դարուեստական պատկերները, գեղեցիկ բնութեան հարազատ նկարագրութիւնները,

որոնք դրսեւորում են նրա նկարչական տա- ղանդը: Այնտեղ ցուանում են նաեւ ժողովրդի տարբեր խաւերն իրենց ուրոյն կենցաղով եւ բնորոշ գծերով: Այնտեղ դուք տեսնում էք եւ զիւղացիներն՝ իբրեւ տնտեսական որոշ խաւ:

Այդ բոլոր գեղեցիկ նկարները խօսում են վիպասանի ստեղծագործական տաղանդի եւ մեծութեան մասին:

1888 թուին ընկաւ այս տաղանդաւոր արուեստագէտը: Մեծ հանդիսով թաղեցին նրան Պօլիմանքում:

«Րաֆֆիի թաղումն առաջին համաժողովրդա- կանը եղաւ, դրում է թաղմանը մասնակցող վիպագիր Շիրվանզադէն: Մինչեւ այդ օրը նման համայնական սուգ չէր եղել...: Գրեթէ ամբողջ քաղաքն ոտքի էր եղել: Եկել էին Թիֆլիսի բոլոր համաբարութիւնների իրենց գոյնզգոյն մետաքսեայ դրօշակներով: Խմբուել էին տան առջև քաղաքի բոլոր դպրոցների հայ աչա- կերտներն իրենց ուսուցիչների հետ: Ներկայ էր ամ- իրող հոգեւորականութիւնը սեւազուլիս եպիսկոպոսնե- րով ու վարդապետներով: Ներկայ էին բոլոր հայ եւ րով ու վարդապետներով: Ներկայ էին բոլորը, ով օտար լրագրերի խմբագրութիւնները, բոլորը, ով որեւէ առնչութիւն ունի գրականութեան կամ մամուլի հետ: Եկել էր հայ բանուոր դասակարգը, թիւրքահայ գաղթականները եւ հազարաւոր տիկիներ, օրիորդ- ներ, չնայելով յարգատա անձրեւին...: Արձրուելին իր հակատակորդների՝ Արգար Յովհաննիսիանի, Պետրոս Սիմոնեանցի ու Սպանդարեանի հետ Րաֆֆիի դազաղը ընտանաւորից դուրս բերողներից մէկն եղաւ:

Դազաղը մինչեւ եկեղեցի ու այնտեղից մինչեւ Պօլիմանքի գերեզմանատուն տարուեց ուսերի վրայ»:

1913 թուին Թիֆլիսի առաջագէմ հայ ինտելիգէնցիան նրա հողակոյտի վրայ կանգ- նեցրեց մի յուշարձան: Պօլիմանքի գերեզ- մանատանը հարաւային պատի վերելի մա- սում կանգնած է այդ կոթողը:

Ներքեւում հանդում է քառակուսի թխա- պոյն կրանիտից յղկուած մի քար: Դա պա- տուանդանն է: Վրան իշխում է մի ամբող- ջական սպիտակ մարմար քարից կերտուած, քառակուսի, գեղեցիկ Փորմաներով քանդա- կուած, մօտ երկու մետր բարձրութեամբ, մի հաստ պատուանդան, որի հիւսիսային ճա- կատին կարգում եմ հետեւեալ սողերը.

ԲԱՐ Է ԳՈ ՍԻՐՏԸ ԵՒ ԽԵՂՃԻ Է ՄԵՆԱՍ
ԲԱՆԻ՝ ԱՐԻՆՆԵՐ, ԲԱՆԻ՝ ԿՈՏՈՐԱԾ
ՏԵՍԱՐ ԼՈՒՅՏԻՐ ԵՒ ԳԱՐՁԵԱԿ ՊԱՅՏԱՆ
ՀԱՅ ԵՐԿՐԻ ՎԵՐԱՅ ԿԱՊՈՒՄ ԵՍ ԿԱՄԱՐ:
Յ. Մ. Յակոբեան:

տօնով: 40ական թուականներին նշանակում է ներսիսեան դպրոցի նկարչութեան ուսուցիչ: Այդ ժամանակաշրջանում էլ նա ամբողջապէս նուիրում է իր սիրած վրձինին եւ կտաւին:

*

Ներսիսեանն ամբողջապէս նուիրում է պատմական նկարչութեան: Վրձինում է գլխաւորապէս պատմական նկարներ եւ սորտրէտներ: Առհասարակ պատմական ժանրում նա ամենաառաջին եւ միակ նկարիչն է: Նրա վրձինին են պատկանում Ս. Սահակի, Ս. Մեսրոպի, Ներսէս Ե.ի նկարները:

Նկարչի տաղանդի մասին ժամանակի մամուլում արձանագրել են Ստ. Նազարեանը, Պոօշեանը եւ Ալ. Երիցեանը: Այդ հանդամանքն էլ հաստատում է նրա նկարչական-կուլտուրական արժէքը:

*

1884 թուին Թիֆլիսի Միքայէլեան հիւանդանոցում Ներսիսեանն ընդ միշտ փակեց իր աչքերը՝ յետին չքաւորութեան մէջ: Մի քանի բարերարների ծախքով կատարուեց նրա թաղումը...:

Խօջիվանքի գերեզմանատանը կայ մուսուլմանական անյայտ մի հողակոյտ, որի վրայ ոչ քար կայ, ոչ էլ որեւէ արձանագրութիւն: Դա նկարիչ Ներսիսեանի շիրմնն է:

90ական թուականներին Պերճ Պոօշեանը «Տարագ»ի միջոցով կոչ արեց հայ նկարիչներին, մատենագիրներին եւ գեղագէտներին տապանաքար դնել նկարչի դամբարանի վրայ, բայց, զժբախտաբար, նրա կոչը չգտաւ արձագանք:

ՆԿԱՐԻՉ ՅԱՐՈՒԹԻՒՆ ՇԱՄՇԻՆԵԱՆ
(1856 - 1914)

Յայտնի ժանրիստ եւ մանկավարժ: Մանկութիւնն անցնում է Դաղոտանի չքնաղ բնութեան ծոցում, ուր եւ սնւում է ապագայ նկարիչը:

Ուսանում է Թիֆլիսի գիմնազիայում եւ միաժամանակ նկարչութեան դասեր վերցնում «Կովկասեան արուեստը խրախուսող ընկերութեան» դպրոցում: 1876 թուին մտնում է Պետերբուրգի Գեղարուեստական ճեմարանը, ուր աւարտելուց յետոյ մեկնում Պարիս՝ կատարելագործուելու իր արուեստի մէջ:

80ական թուականներին վերադառնալով Թիֆլիս, Ներսիսեան, Գայիանեան դպրոցներ

ում եւ Յրդ Գիմնազիայում նկարչութեան դասեր է տալիս: Նոյն շրջանում առանձին հմտութեամբ ու ճաշակով վրձինում է տեղական դանդաղ ազդութիւնների կեանքի բնորոշ մոմէնտները: Դրանցից ուշագրաւ են. «Թիֆլիսի Շէյքսպիրացի», «Ղէյնօբա» եւ «Օբա»: Այդ նկարներում տեսնում էք Անդրկովկասի ժողովուրդների սովորութիւնները, տիպերը եւ հագուստները:

*

Թաղուած է Խօջիվանքում, ուր հողակոյտի վրայ ոչ քար կայ, ոչ էլ որեւէ կոթող:

ՆԿԱՐԻՉ ՄԻՔԱՅԷԼ ԽՈՒՆՈՒՆՑ
(1883 - 1931)

Լաւագոյն գծագէտ-գրաֆիկ նկարիչ: Գեղեցիկ եւ նուրբ վրձինով նկարազարդել է հայկական հէքեաթները:

Կիւելի ճարտարապետական թնտիստում մշակում է իր նկարչական բնածին յատկութիւնները: Վերադառնալով Թիֆլիս, դանդաղ դպրոցներում տալիս է նկարչութեան դասեր եւ միաժամանակ նուիրում իր վրձինին:

*

Խօջիվանքում, Խունուկեցէնց գերեզմանաշրջանում, անպաճոյճ մի հողակոյտ՝ առանց քարի եւ արձանագրութեան: Այդտեղ է թաղուած լաւագոյն գրաֆիկ նկարիչ Խունուկեցը:

ՅԵՐԵՆՑ
(1832 - 1888)

1879 թուին Թիֆլիսում լոյս տեսաւ մի պատմական վէպ. «Երկունք Թ. դարու»: Պոլոյ բարբառով գրուած, ժամանակաշրջանի ազգասիրական ձգտումներն ու տրամադրութիւնները գրեւորող այդ վէպի հեղինակը թիւրքահայ մի բժիշկ էր, որ Ներսիսեան դպրոցում դասաւանդում էր Հայոց պատմութիւն: Դա Ծերենցն էր — Յովսէփ Շիշմանեանը:

«Թորոս Լեւոնի», «Երկունք» եւ «Թեոդորոս Ռշտունի» — ահա այն կոթողները, որ նա կերտեց: Այդ պատմավէպերով էլ նա յայտնի դարձաւ:

*

Թիֆլիսի Խօջիվանքում, Բաֆֆու Գերեզմանի սահմանագծում, իր միակ դասեր՝ Թագուհի Մելիք-Աղարեանի շիրմի կողքին, կայ անպաճոյճ մի գերեզմանաքար: Այդտեղ

է հանգչում Ծերենցը: Թխագոյն, կէս մետր բարձր, երկար կրանիտէ քարի վրայ դրօշմուած է սպիտակ մի մարմար, որի վերեւ ճակատին քանդակուած է մի խաչ, իսկ ներքեւում փորագրուած է.

ԴՕԿՏՕՐ
ՅՈՎԱԷՓ ՇԻՇՄԱՆԵԱՆ
ԾԵՐԵՆՑ
ՎԱՅ. 17 ՓԵՏՐՎԱՐԻ 1888 ԱՄԻ
Ի ՀԱՍԱԿԻ 56 ԱՄԱՅ

ԱՇՈՒՂ - ԶԻՒԱՆԻ
(1846 - 1909)

Սայեաթ-Նովա, աշուղ-Շիրին եւ աշուղ-Ջիւանի — ահա աշուղական գրականութեան երեք սիւները, որոնք կերտեցին աշուղական նոր արուեստի ամենալաւագոյն էջերը եւ հանդիսացան աշուղական նոր շիջույթի դրօշակիրները: Ահա թէ ինչու այդ աշուղներն այսօր առանձնայատուկ եւ ուրոյն տեղ են գրաւում աշուղական գրականութեան պատմութեան մէջ:

Ինքնուս, բնածին տաղանդ էր Ջիւանին, որը, սակայն, իր աննման ձիրքով խոշոր դեր կատարեց աշուղական գրականութեան մէջ:

Ինչո՞ւմն է կայանում նրա դերը:

Շիրինից յետոյ նա առաջին աշուղն է, որ երգեց ժամանակակից գրական լեզուով: Նա գտեց, մաքրեց օտար բառերը դաւաճաբարբառները եւ հիմք դրեց աշուղական նոր գրականութեան:

Սակայն Ջիւանին այդ յաղթականակով չի սահմանափակեց իր աշուղական գործունէութիւնը:

Նա էր, որ հիմնեց աշուղական ամենաառաջին դպրոցը, ուր աշուղական արուեստը ոչ միայն նոր փայլ ստացաւ, այլ եւ գրուեց գեղարուեստական բարձրութեան վրայ: Այդ դպրոցումն էլ բազմաթիւ անտաշ աշուղներ մշակեցին եւ զարգացրին իրենց ընդունակութիւնները եւ ստացան աշուղական լուրջ կրթութիւն:

Բայց գրանով էլ կանգ չառաւ Ջիւանին:

Նա հիւսեց աշուղական անպաճոյճ, բայց նոր եւ գողարիկ երգեր, որոնք շուտով դարձան հասարակ ժողովրդի, գիւղացիութեան, աշխատաւոր խաւերի սեփականութիւնը, անցան բերնից բերան, տարածուեցին ամենահեռաւոր, ամենախուլ անկիւնները եւ շուտով հռչակեցին աշուղի անունը:

Այսօր էլ դեռ հայաբնակ հեռաւոր գիւղերում հնչում են նրա երգերը: Հարաւային Պարսկաստանի Սպահանի Փէրիա եւ Չարմահալ գաւառներն ուսումնասիրելիս, քանիցս լսել եմ գիւղացիների շրթերի վրայ նրա հիւսած «Չախորդ օրերը», «Խելի աշեցէֆ», «Պաղ աղբիւրի մօտ», «Սեւ աչեր», «Բո փափափով վառում եմ» երգերը: Միթէ այդ հանգամանքը պերճախօս ապացոյց չէ՞ Ջիւանու լայն ժողովրդականութեան: Եւ իրօք, Սայեաթ-Նովայից յետոյ դեռ ո՞չ մի աշուղ այնպիսի մեծ ժողովրդականութիւն չի վայելում, ոչ մի աշուղի երգերն այնպէս չեն տարածուած հասարակ ժողովրդի լայն խաւերում, ոչ մի աշուղի արուեստն այնպիսի պարզութեան եւ խորութեան չի հասած, ինչպէս Ջիւանու:

Ահա թէ ինչու նրա գրական պարզ լեզուով ու ոճով հիւսած երգերը երկար, շատ երկար պիտի հնչեն ժողովրդի շրթերի վրայ:

*

Ծերենցի եւ Յովհաննէս Թումանեանի շիրմներէ մօտ հանգչում են Ջիւանու նշխարները:

Հողակոյտը ծածկում է մուգ-թխագոյն պարզ եւ անպաճոյճ մի քար, որի կէսը խրուել է հողի մէջ: Քարի ճակատին կարդում եմ միայն երկու տող.

ԱՇՈՒՂ-ԶԻՒԱՆԻ
1846-1909

Ուռնու փոքրիկ ճիւղեր խոնարհուել են շիրմի վրայ, ասես սգում են ժողովրդական մեծ աշուղի կորուստը:

ԱՐԱՄ ԵՐԵՄԵԱՆ



ՀԱՅ-ԿԻՊՐՈՍ

Միջերկրական ծովու մէջ, Հայկական Կիլիկիայի գրեթէ դիմաց ցցուած է Կիպրոս կղզին: Դրից մերձաւորութեամբ եղած է նաեւ Կիպրոսի քաղաքական եւ առեւտրական աղբյուր հայ Կիլիկիայի հետ սերտ: Դարեր է վեր Կիպրոս հիւրընկալն եղած է բազմաթիւ հայերու. եւ այսօր իսկ կ'ապրի հոն մեծ թիւ մը հայութեան:

Պարագաները կը յորդորեն վեր հանել մանրախոյզ քննութեամբ ոչ միայն կղզւոյն